

Gijgwn Ndei Gwn Mbanjranz

家乡的美食

环江思恩镇人和小学四年级学生 莫江林

Ranzmbanj gou youq Gvangjsih Hozciz Si, gizneix miz haujlai gijgwn ndei gwn. Faengx, haeuxnaengj hajsack, ceiz daengjdaengj. Ndwade gijgwn gou ceiq haengj gwn dwg haeuxfaengx.

Haeuxfaengx miz aen raez, aen yenzcuihgingz caeuq aen sangak. Faengx dwg yungh mbawgofaiz roxnaeuz rongfaengx daeuj suék, caiq aeu fiengz cug ndei.

Vihmaz gou ceiq maij gwn faengx ne? Aenvih gij heiq haeuxfaengx cawj cug rangfwdfwd haenx, hawj vunz nyuouq daengz le couh siengj gwn. Baezgonq gwn haeuxfaengx lij dwg bi' gvaq nguxnyied co' ngux ne. Geiq ndaej ngoenzhaenx haetromh, gou ngamq hwnqcong, couh nyuouq daengz haeuxfaengx rangfwdfwd lo, laxlawz dwg daxbuz cawj haeuxfaengx cug lo. Gou couh doq gaem aeu aen haeuxfaengx ndeu, dawz geu "buhrog" haeuxfaengx duet bae, gaemz hung gwnngoebngoeb. O! Caen dwg gijgwn gwnzbiengz ceiq feih ha! Gou laebdaeb gwn le geij aen, dungx cungj bengq liux lo. Daxbuz raen le couh naeuz: "Menh di gwn, youh mbouj vunz ciengj mwngz."

Caen dwg ndei gwn ha! Moix baez daxbuz suék haeuxfaengx gou cungj gwn mbouj mbwq, caen maqmuengh nguxnyied co' ngux



vaiqvaiq daeuj-daengz, aenvih nguxnyied co-
ngux mbat daeuj-
daengz, gou couh
youh ndaej gwn
daengz haeux-
faengx daxbuz
suek haenx lo.

(指导老师 莫秀成)

Yo Saejdaeuz

零食保卫战



Gou miz daegnuengx iq ndeu, bineix ngamq sam hop bi, de maj ndaej gyauej hung da raeh, bak de daegbied ngahgwn. Baez raen gou gwn doxgaiq, de cungj ngaeg gou aeu, danghnaeuz mbouj hawj de gwn, de couh daejngenge mbouj dingz. Gou caen naihhos mbouj ndaej de, miz gij baenz gwn, cijndei deq de mbouj youq seiz roxnaeuz ndoj bae baihrog laeglemx gwn.

Ngoenz he banringz, gou cuengq-hag ma ranz, daegnuengx cingqngamj mbouj youq. Ye, caen dwg seizgei ndei lo! Gou lumj mbin nei buet haeuj ndaw rug gou, daj laj swiz mbon bau gyauejgwzliiz ndeu—gijneix caen dwg gij saejdaeuz gou ceiq haengj gwn haenx lo. Gou naengh youq gwnz sahfaz, itmienh gwn itmienh yawj densi,

cwxcaih dangqmaz!

Mbouj rox gvaq ndaej geijlai nanz, cij dingqnyie aendou yiengj "gvang-dang", gou ngeux gyauej baez yawj, dwg daegnuengx ma ranz lo. De song da ronghmyigmyig, cimraurau gaiq gyauej-gwzliiz ndaw fwngz gou. Mbouj baenz, vaiqdi yo saejdaeuz! Gou ganjgaenj dawz gyauejgwzliiz yo haeuj baihlaeng bae, riengjret saet roengz sahfaz ma, lienz haiz cungj mbouj daenj couh buet haeuj rug bae. Daegnuengx lienzmuengz riengz haeujdaeuj, gou baez gven dou, yungh rengz daemx dwk, mbouj hawj de haeujdaeuj. Daegnuengx youq rog dou itmienh nyoengx, itmienh daejnganga hemq: "Dahcej, hai dou ha……dahcej, hawj gou gwn didi he……"

Gvaq yaep he, rog dou caem roengzdaeuj lo. Aiq dwg daegnuengx deuz luba? Gou laeglemx hai luengq dou he yawj baihrog, cij raen daegnuengx cingq naengh youq gwnz dieg bakdou, song da cimyawj aenrug, gwnz naj lij hoij miz raemxda……Aensim gou unq lo, nyoengx aendou, rex daegnuengx hwnjdaeuj, oet buenq bau gyauejgwzliiz haeuj fwngz de bae……

Baez yo saejdaeuz neix gou youh saw lo. Ai! Byawz heuh gou dwg dahcej de ni?

(bouxraiz Cangh Yihdingz
bouxhoiz Goenggen)

Yienghneix, duj va neix couh aeu cungj simcingz minjganj ngeizsim youh lau vunz yawj mbouj hwnj haenx daeuj nyoeignyamx Lwgvuengz-iq. Lumjbaenz, miz ngoenz he, de dwen daengz seiq diuz oen gwnz ndang de, doiq Lwgvuengziq naeuz:

"Heuh duzguk daeuj vei! Gou mbouj lau!"

"Gizneix mbouj miz duzguk go, couhsuenq miz, duzguk goj mbouj gwn go' nywj go."

"Gou mbouj dwg go' nywj." Duj-va sing unq sing daemq naeuz.

"Doiq mbouj gvaq."

"Gou mbouj lau duzguk go!"

Dujva laebdaeb gangj dem, "Hoeng gou lau rumz, mwngz miz doudangq lwi?"



Lwgvuengziq gag ngeix naeuz: "Doenghgo lau rumz cix doeknaiq lai dwgrengz lai lo! Duj va neix hoj dajleix lai bw!"

"Gyanghaemh mwngz yaek hen-hoh ndei gou bw. Gizneix nitsisi.

Lwgvuengziq



bouxraiz Swng' aihgwzsuhbeilij bouxhoiz Luz Fwncangz

圣埃克苏佩里 著 卢奋长 译

Gizneix youq mbouj onj youq mbouj soeng, giz gaxgonq gou youq……"

Coenzvah caengz gangj liux de couh mbouj gangj lo. De doek daengz gwnzbiengz seizde, lij dwg naed ceh ndeu. De mbouj raen gvaq biengz wnq. De raen gangjyaeuh deng vunz rox le najmong lai, couh daegdaengq ae song sam mbat, de yienghneix guh dwg siengj lai dwg Lwgvuengziq guh loek, de naeuz:

"Doudangq ne?"

"Gou seizneix couh bae aeu. Hoeng haxbaenh mwngz caeuq gou gangj……"

Dujva youh sing hung ae song sam mbat, lij dwg hawj Lwgvuengziq ienqhoij dwg bonjfaenh loek.

Yienznaeuz Lwgvuengziq ndiep duj va neix, hoeng seizneix goj mbouj saeng de lo. Coenz vah mbouj youqgaenj de Lwgvuengziq ciengzseiz

dawzhaeujrwz, yienghneix couh ngoenzngoenz nyapsaeb. Bae.

Miz ngoenz ndeu, Lwgvuengziq naeuz gou nyi: "Gou mbouj wnggai dingq gij vah dujva, baenzbaenz cungj mbouj wnggai dingq gij vah dujva, yawjyawj va, nyuouqnyuouq heiq va couh ndaej lo. Duj va neix hawj aen singhgiuz gou homfwtftw, hoeng gou mbouj rox yiengjsouh gij homfwtftw de. Dwen daengz duzguk, gou doengzcingz de cij deng, hoeng gou dauqfanj hozndat de……"

Lwgvuengziq lij naeuz gou nyi: "Seizde gou gijmaz cungj mbouj rox! Gou wnggai baengh de guh gijmaz daeuj yawj de, mbouj dwg baengh de gangj gijmaz daeuj yawj de. De gyaunde lai, hom lai, hawj gou simsoeng angqfaengz, gou mbouj wnggai byag de okrog. Gou wnggai yawjbyoengq doenghgij bajheiq hawj

vunz in' gyaenz de, baihlaeng cix caencingq dwg unqswnd de. Dujva doxdoiqdingj lai, gangj caeuq guh mbouj doxlumj, hoeng seizde gou lij oi q lai, mbouj rox guhlawz gyaenz de……"

Gouj

Gou naemj Lwgvuengziq dwg riengz duzroeg senjdieg deuz okdaeuj.

Gyanghaet ngoenz hwnjdin haenx, de beuj aen singhgiuz de caezcupcup bae, baet ndoifeizlix seuqsatsat bae. De miz song goengq ndoifeizlix, yienghneix rung haeuxhaet cix ngaih lai bw. De lij miz goengq ndoifeizdai ndeu dem, de hix dawz de baet ndaej seuqsatsat. De gag ngeix, gangj mbouj dingh de lij rox dauq lix moq! Baet seuq le, gyoengqde couh menhmenh miz gvilwd coemh dwk, yienghneix ndoifeiz couh mbouj sawqmwh bauqfat. Ndoifeiz bauqfat couh lumj feiz ndaw congheueq yienghde ndwi.

Youq gwnz digiuz, vunz iq lai, baet ndoifeiz seuqsaw mbouj ndaej, yienghneix ndoifeiz hawj vunz deng nanh lai.

Lwgvuengziq lij beng geij go faexlwg faexceizlingz loeklaeng bae. De miz di siengsim. De laihnaeuz ngoenzlaeng mbouj dauq gizneix lo. Ngoenzde, gij hongranz neix sawj de gamjdaengz gig mbaeumbeng, de yaek guh ndeindei bae. (11)